



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-624-4/24**
Datum: **27.01.2025. godine**

„Agencija za vodno područje rijeke Save“ Sarajevo rješavajući po zahtjevu pravnog lica „BESTRAL“ d.o.o. Živinice za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada proizvodnog pogona za plastifikaciju metala, izgrađenih u ulici Sprečka 21 C, Grad Živinice, na osnovu člana 109. stav (2) tačka 1. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine broj 2/98, 48/99 i 61/22), donosi:

RJEŠENJE **o vodnoj dozvoli**

1. Pravnom licu „BESTRAL“ d.o.o. Živinice daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada proizvodnog pogona za plastifikaciju metala, izgrađenih u ulici Sprečka 21 C, Grad Živinice na parceli označenoj kao k.č. n/p 438/2 K.O. Živinice Grad zv. „Strašanj“.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije i izvršenog uviđaja na lokaciji objekta i pod sljedećim uslovima:
 - 3.1. Da pravno lice, „BESTRAL“ d.o.o. Živinice obezbijedi da se sistem za prikupljanje, prečišćavanje i zbrinjavanje otpadnih voda poslovno-proizvodnog objekta- pogona za plastifikaciju metala održava u funkcionalnom stanju i koristi u skladu sa namjenom i uslovima iz ove vodne dozvole.
 - 3.2. Čišćenje kada u kojima se vrši priprema elemenata za farbanje, te odvoz i konačno zbrinjavanje otpadnog mulja i taloga, kao i opasnog otpada sa lokacije „BESTRAL“ d.o.o. Živinice može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.3. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 3.4. Da se kod pranja koriste sredstva koja su prikladna okolinskim zahtjevima.
 - 3.5. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.6. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
 - 3.7. Na predmetnoj lokaciji nije dozvoljeno indirektno ispuštanje otpadnih voda u podzemne vode.
 - 3.8. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti.
 - 3.9. Osigurati priručna sredstva za brzu intervenciju u slučaju nekontrolisanog istjecanja opasnih supstanci, kako bi se spriječilo moguće onečišćenje voda i tla (piljevina, prikladni apsorbens, odgovarajuće posude, uređaji za pretakanje i sl.).
 - 3.10. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.

4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 13. i 22. te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik predmetnog objekta „BESTRAL“ d.o.o. Živinice, je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog kompleksa sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav (1) Zakona o vodama se daje sa rokom važenja od 1 (jedne) godine od dana pravosnažnosti ovog rješenja.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.

Obrazloženje

Pravno lice „BESTRAL“ d.o.o. Živinice obratilo se ovoj Agenciji sa zahtjevom bez broja od 04.12.2024 godine, za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada pogona za plastifikaciju metala, izgrađenih u ulici Sprečka 21 C, Grad Živinice na parceli označenoj kao k.č. n/p 438/2 K.O. Živinice Grad zv. „Strašanj“.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

A. Opšta dokumentacija

- Rješenje o registraciji upisa u sudski registar broj: 032-0-Reg-23-001967 od 26.12.2023. godine izdat od strane Općinskog suda u Tuzli-ovjerena kopija,
- Dokaz o uplaćenju upravnoj pristojbi 70 KM,
- Kopija Rješenja o odobrenju za upotrebu broj: 04/3-19-5673/2023 od 15.12.2023 godine datog od strane Službe za urbanističko planiranje, komunalne, geodetske i imovinsko-pravne poslove, Grad Živinice;
- Kopija Rješenja o odobrenju za građenje broj: 04/3-19-1882/2023 od 13.06.2023 godine datog od strane Službe za urbanističko planiranje, komunalne, geodetske i imovinsko-pravne poslove, Grad Živinice;
- Operativni plan u slučaju incidentnih zagađenja na vodama i obalnom vodnom zemljištu broj: 7-921-8865/24 od 13.12.2024 godine za pravno lice „BESTRAL“ d.o.o. Živinice urađen od strane „TQM“ d.o.o. Lukavac;

- Ugovor o zakupu poslovnog objekta broj: 3-1/2025 od 08.01.2025 godine zaključen sa pravnim licem „BOSFOR STIL“ d.o.o. Živinice;
- Transportna dokumentacija br. 210/24 od 06.11.2024 godine od strane „GALVANORM“ d.o.o. Konjic i „C.I.A.K.“ d.o.o. Sarajevo;
- Opis tehnološkog procesa urađen od strane „BESTRAL“ d.o.o. Živinice;
- Rješenje Federalne uprave za inspekcijske poslove-vodni inspektor broj: UP1-14-21-2-06930/2024-1405-2-P od 01.11.2024 godine;
- Potrošnja boje po mjesecima.

B. Tehnička dokumentacija

- Projekat izvedenog stanja poslovnog objekta „BOSFOR STIL“ d.o.o. Živinice, urađen od strane pravnog lica „ATRIUS-projekt“ d.o.o. Živinice, decembar 2023. godine (izvod iz projekta-kopija).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH, broj 31/15, 55/19, 41/20 i 63/22, izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-624-2/24 od 17.01.2025. godine.

Na osnovu pregleda projektne dokumentacije i izvršenog uviđaja na predmetnoj lokaciji utvrđeno je slijedeće:

Lokacija poslovnog objekta se nalazi u ulici Sprečka 21 C, Grad Živinice na parceli označenoj kao k.č. n/p 438/2 K.O. Živinice Grad zv. „Strašanj“.

Snabdijevanje vodom predmetnog poslovnog objekta se vrši putem priključka na gradsku vodovodnu mrežu.

Na predmetnoj lokaciji se nalazi poslovno administrativni uslužni i skladišni objekat.

„Firma Bestral d.o.o. Živinice je specijalizirana tvrtka koja pruža visokokvalitetne usluge plastificiranja metala, u zaštiti metalnih površina od korozije, oksidacije i mehaničkih oštećenja kako bi produžili životni vijek metalnih proizvoda. Bavi se isključivo uslugom plastificiranja metala (aluminijuma i čelika). Plastificiranje se vrši za industrijske dijelove, metalne konstrukcije ili dekorativne elemente.

Vrši se plastifikacija metala poput aluminija, konstrukcijskog željeza, pocinčanog željeza i nehrđajućeg čelika (inox).

Plastifikacija podrazumijeva eklektro-statičko nanošenje boje u prahu pištoljem za elektronsko prskanje, pa se na taj način prah lijepi po dijelovima koji nisu na direktnom udaru praha. Elektricitet privlači prah gdje ga nema, a odbija gdje je već nanesen. Prah je na bazi epoksi i epokspoliestera. Da bi se ovaj proces kvalitetno obavio, potrebna je hemijska priprema-proces odmašćivanja a isti se vrši u kadama (4 inoxne kade namijenjene za to). U prvoj kadi nalazi se rastvor kiselina koje skidaju masnoću i dolazi do nagrzanja materijala. U drugoj kadi se vrši ispiranje u običnoj vodi a u trećoj u demineralizovanoj vodi. U četvrtoj kadi se vrši potapanje u rastvor za pasivizaciju u cilju da boja bolje prijanja za metal. Nakon odmašćivanja se vrši sušenje, potom nanos boje te pečenje i pakovanje.

Ukoliko je materijal za plastifikaciju čelik ili plastificirani aluminijum priprema za nanošenje boje (praha) se vrši na način da se pneumatskom šljafaricom uklone nečistoće te vrši nanos boje na komori.

Rastvori za kade se nabavljaju od firme „EUROSJAJ“ d.o.o. Konjic. Sadržaj iz kada u kojima se vrši priprema elemenata za farbanje su bez prelija i iste se nakon zasićenja prazne i zbrinjavaju u spremnike od ovlaštene firme. Odvoz zasićenih rastvora iz kada vrši firma „GALVANORM“ d.o.o. Konjic i dalje isporučuje firmi „C.I.A.K.“ d.o.o. Sarajevo – Podružnica Jajce.

Proces farbanja-nanošenja elektrostatskog praha se vrši u komorama i potpuno je zatvoreni proces te se višak elektrostatskog praha ponovo vraća u proces.

Po izjavi podnosioca zahtjeva planirana je izgradnja novog objekta na drugoj lokaciji a za istu aktivnost. Nakon izgradnje novog objekta ukinula bi se proizvodnja na lokaciji Sprečka 21 C, Grad Živinice. Izgradnja novog objekta planirana je do kraja 2025 godine.

Rok od 1 (jedne) godine, u tački 10 ovog Rješenja, dat je iz razloga što podnosilac zahtjeva planira prestati sa ovom aktivnošću na predmetnoj lokaciji.

Za mašinu u kojoj se vrši sušenje materijala nakon odmašćivanja kao gorivo koristi se dizel. Isti se nabavlja sa benzinske pumpe u cisternoj od 1000 l iz koje se sipa u bure koje je postavljeno uz navedenu mašinu za sušenje. Cisterna je smještena unutar objekta gdje su ugrađeni vodonepropusni podovi i u istoj nema ispusta.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i članova 14., 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, „BESTRAL“ d.o.o. Živinice, ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta kao posljedica rada pogona za plastifikaciju metala izgrađenih u ulici Sprečka 21 C, Grad Živinice, te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Behija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata



Dostaviti:

- „BESTRAL“ d.o.o. Živinice, ul. Sprečka 21 C, Grad Živinice
- ⊙ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava